

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण गजमाल 'चिलिमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

राज्यया मिखाय मांभाय व नेपालय
अन्तर्राष्ट्रिय मांभाय दिवसया औचित्य
राजेन मानन्धर - २न्यादैय छक: न्यायकीगु सम्यक महादान
पर्व थुगुसी
बिराजकाजी राजोपाध्याय - ३'थुकथं भियात नियन्त्रणय काय्फइ'
प्रशान्त माली - ३त्रिदेशीय क्रिकेट श्रृंखलाय नेपा:या
कीर्तिमान
प्रजीत शाक्य - ६'संसार क्रियसन्स'या स्वसालय नेपालभाषा
स्टार म्युजिक भिडियो अवार्ड ११४०
पेज ४-५

अन्तर्राष्ट्रिय मातृभाषा दिवसय नेवा: भासं नेपा:या राष्ट्रिय म्ये हाल भाषाया कारणं नं देश टुक्रा जुइफुगु भाषाविद्वत् धापू

लहना संवाददाता

फेब्रुअरी २१-अन्तर्राष्ट्रिय मातृभाषा दिवस । नेपालय नं थीथी ज्याइव: याना: हन । वंगु छुं दै न्ह्य:निसें नेपालय नं मातृभाषा दिवस हनेगु चेतना ब्वलंगु दु अले हना नं व:गु दु । व हे इवलय थुगुसी नं येँय नेवा:तयगु पुचलं अन्तर्राष्ट्रिय मातृभाषा दिवसया इवलय निगु ज्याइव: जुल । छुं दिवस हनेत ज्याइव:त जुइगु वा यायगु त:धंगु खँ मखु । उगु ज्याइवलं दिवसया मर्मयात थूगु दु कि मदु, भावना क:घा:गु दु कि मदु धइगु त:धंगु ख: । मातृभाषा दिवस हनेगु तर थ:गु मांभासं मखसें सरकारी भासं ज्याइव: यायगुया छुं औचित्य हे दइमखु । न्हापा गुलिखे ज्याइव: थथे हे जुया नं वन । अयुजगुलिं न्हापाया अज्या:गु ज्याइव:त आपा:सित त्व: नं मनावन । तर थुगुसी धा:सा अन्तर्राष्ट्रिय मातृभाषा दिवसया इवलय नेवा:तयसं या:गु ज्याइव: धा:सा धात्थे न्ह्यथनेबह:जू । थुगुसी अन्तर्राष्ट्रिय मातृभाषा दिवसया इवलय नेवा:तयसं नेपा:या राष्ट्रिय गान थ:गु हे मांभासं हालेदयमा:गु माग यासं 'सयौं थुंगा फुलका हामी'यात नेवा: भासं हाल, 'स्वां सलंस:, मा: छमा: हे, भी छधीपिं नेपा:मि' नेपा:या राष्ट्रिय म्ये ग्व:क: हाला, व ला लुमं मजू, तर धात्थे नुगलिंसें थौं हे



अन्तर्राष्ट्रिय मातृभाषा दिवसय राष्ट्रिय गानयात नेवा: भासं हाला: पियंगु धइगु छगू च्वछायेबह:गु पला: ला खत । तर ददं न्ह्य:निसें गुकथं भाषायात दमन जुयावल, उकिया विरुद्ध भाषिक अधिकार काय्त् म्ये हाला:, चिनाखँ ब्वना: ज्याइव: यानाच्वनां गाइमखु ।

तिनि हाला, थ:गु नुग:लिसे सतीगु मांभासं हालेखंबलय बल्ल जिं राष्ट्रिय म्ये हाला थें 'ताल' जनबहालय जूगु ज्याइवलय वरिष्ठ पत्रकार लिसें कवि सुरेशकिरण मानन्धरं धयादिल । ज्याइवलय वयकलं मातृभाषा दिवसया औचित्य कनेगु इवलय बंगलादेशया दसु न्ह्यब्वसें भाषाया कारणं

नं देय् कुचा दलेफु न्हि धका: राज्यया ध्यानाकर्षण यानादिल । उर्दु भाय्या दमन स्वीकार यायमखु, थ:गु मांभाय छ यलेदयमाल धका: आन्दोलनय कुहांव:पिं ढाका विश्वविद्यालयया विद्यार्थीतयूत प्रहरी गोलिं कयका: स्यानाब्यूगु ख: । भाषिक अधिकारया निति जूगु व हे आन्दोलन

नेपा:या राष्ट्रिय गान नेवा: भासं स्वां सलंस: मा: छमा: हे, भी छधीपिं नेपा:मि सार्वभौम ब्यानाच्वीपिं मेचिं महाकाली प्रकृतिया कोटि कोटि सम्पदाया गाबलं वीरतयगु हिं ज्यानाव स्वतन्त्र व थातन ज्ञानभूमि, शान्तिभूमि तराई पहाड हिमाल धी छधीगु भीत य:गु माम देश नेपाल त:ता जाति, भाषा, धर्म तजिलजिं हे त:जिगु न्ह्यज्यानाच्वंगु देश भीगु जय जय नेपाल

पाकिस्तानपाखें बंगलादेश ब्याग: जूगु ख: । अज्या:गु हे अवस्था मेथाय नं मजुइ धका: धाय्फइमखु धासें वरिष्ठ पत्रकार मानन्धरं भाषिक अधिकार वीत राज्य नुग: स्यायमज्यू धका: धयादिल ।

उगु हे ज्याइवलय येँ महानगरपालिका वडा २५ या वडाध्यक्ष नीलकाजि शाक्यं भिग: नेवा: राज्यया खँ ल्हा:मह पुष्कमल दाहाल प्रचण्डं पहिचानया मुदायात बागमतीइ चुइकाछ्व:गु जुल ला धका: न्ह्यस: तयादिल । 'आ: थ:गु अधिकार मेपिन्सं ब्यू वइला धका: पियाच्वेनेगु ई मखुत, थ:गु अधिकार लाका काय्माल । त्यं ७ पेजय

अस्तित्व ल्यंकातयूत ख्वना महोत्सव



येँ । स्वनिग:या आदिवासी नेवा:तयगु थीथी कथंया वस्तीत मध्ये थौकन्हय दककले अप्व: चर्चाय वयाच्वंगु नापं नेवा:तयसं जक मखु पहिचानवादी आदिवासी जनजाति, मधेसी व उत्पीडित समुदायपाखें तर्क च्युता: तयाच्वंगु वस्ती ख: ख्वना । यल महानगरपालिका वडा नं. २१ दुने लानाच्वंगु ऐतिहासिक, सांस्कृतिक, धार्मिक, सामाजिक रुपं नं तसकं महत्वपूर्णगु ख्वनाया अस्तित्व, पहिचान, ख्वनावासी नापं ख्वनाया भूमियात कया थीथी कथंया गतिविधि जुयाच्वंगुलिं अथे चर्चाय वयाच्वंगु ख: ।

उकिया नापं छुं दिं न्ह्य:तिनि ख्वना महोत्सव नं क्वचा:गु दु । ख्वनाय

वंगु फागुन ९ गतेनिसें स्वन्हयंकया ख्वना महोत्सव स्थानीय सरकारपाखें जूगु ख: । यल महानगरपालिका वडा नं. २१ या वडाअध्यक्ष रविन्द्र महर्जनं ख्वनाया पहिचानया निति महोत्सव यानागु धासें ख्वनाया पहिचान, ख्वनाया ऐतिहासिक, सांस्कृतिक, धार्मिकनिसें समग्रतायात पिब्वयेगु आज्जु दुगु धयादिल । लिसें आ:या अवस्थाय ख्वनायात सांस्कृतिक वस्तीया रुपय विकास यायेमा:गु, सिकाली ख्य:यात प्राकृतिक नापं धार्मिक सांस्कृतिक लागया रुपय विकास यायेमा:गु लिसें कुदेयात पुरातात्विक लागया रुपय यंकेमा:गु थ:गु स्पष्ट मान्यता दुगु नं महर्जनं धयादीगु दु । त्यं ७ पेजय

मर्ना खुल्यो
Child Care PlayGroup
New Zenith English Model School (नर्सरी देखि +२ सम्म पढाई हुने)
Bhuningkhel-18, Tamsipakha, Ph.: +977 1 4249164, 4215423, E-mail: NewZenithSchool@gmail.com, Web: newzenith.edu.np

राम प्रजापति प्रोप्राइटर
हारती मिठाई भण्डार
(शुद्ध शाकाहारी)
कालिमाटी चौक, टकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९
यहाँ: -विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।







प्रजीत शाक्य

विश्व खेलकुद थःगु न्हापांगु कासायु हे विश्व कीर्तिमान तइपिं कासायुत म्हो हे जक दइ । तर अजाःपिं कासायुत म्हो धलखयु आः नेपाःया क्रिकेट कासायु कुशल मल्लयानां नं स्वाःगु दु ।

वंगु लायु नेपालयु हे जूगु त्रिदेशीय क्रिकेट श्रृंखलायु कुशल थःगु एकदिवसीय अन्तर्राष्ट्रिय कासायु डेब्यू यायुगु इवलयु विश्व कीर्तिमान अर्धशतक दयकल । क्रिकेटयु ब्याटिङ याःगु इलयु ५०गु रन जक दयकूसुं उकियात छुगु माइलस्टोनकथं कायुगु याः । कुशल अमेरिका विरुद्ध पायु छि ५०गु रन हे दयकल । गुकिं यानाः वयु कः दकलयु म्हो उमेरयु अन्तर्राष्ट्रिय क्रिकेट कासायु अर्धशतक दयकूसुं ब्याटसमायुन जुल । थव गौरव प्राप्त याःगु इलयु कुशल १५दं व ३४०दिं जक दुगु खः । कुशल ५१गु बलयु अर्धशतक दयकाः आउट जुल ।

नेपाःया हे मेम्ह ल्यायुम्ह कासायु रोहित पौडेलया कीर्तिमान कुशल त्वाथःगु खः । संयोग हे धायुमाः, रोहितया हे थसयु हापांगु ल्यज्यायु म्हेतूगु खः । रोहित भारतया सचिन तेन्दुलकर व पाकिस्तानया शाहिद अफ्रिदीया नामयु दुगु कीर्तिमान त्वाःथःगु

खः । रोहित संयुक्त अरब इमिरेट्स (युएई) विरुद्धया अन्तर्राष्ट्रिय एकदिवसीय कासायु ५८गु बलयु ५५गु रन दयकाः कीर्तिमान तःगु खः । उगु अर्धशतक दयकूगु इलयु रोहित मुक्कं १६दं १४६न्हु दुगु खः ।

कुशल थव स्वयां न्हयः नेपाःया राष्ट्रिय टिमया जर्सी टि-२० अन्तर्राष्ट्रिय कासा धाःसा म्हेतेधुकूगु खः । न्हापांखुसी सिनियर टिमयु ह्वःताः चूलाःम्ह कुशल यु-१६, यु-१९ राष्ट्रिय टिम व घरेलु क्रिकेटयु नियमितकथं थःत प्रमाणित यानाः राष्ट्रिय टिमयु थ्यकूगु खः । कुशल मध्यक्रमयु विस्फोटक ब्याटिङ यायुगु जक मखु, खव ल्हातं बल वांछवइम्ह स्पीनरकथं नं लोकहवाः ।

खव ल्हातं ब्याटिङ याइम्ह कुशलया पालि अर्धशतक दयकाः जक मखु, वयकलं गुगु स्थितिइ रनया वर्षा याना, व कारणं नं विशेष जुयाबिल । कुशल क्रिजयु वःगु इलयु नेपालं ४९गु रनयु हे न्यागु विकेट तंकेधुकूगु खः । तर कुशल न्हापांगु अन्तर्राष्ट्रिय कासा व प्रतिकूल परिस्थितिया दबाबयु मलात । कुशल थःगु स्वभाविक ब्याटिङ यासें अमेरिकालिसे ५१गु बलयु ४गु चौका व ३गु छक्कालिसे ५०गु रन दयकल । वयकलं मेगु छक्का थ्यायुगु इवलयु याःगु बलिङयु थर्ड म्यानपाखे क्वाच आउट जुल । नेपाःया

पालि उद्धारकर्ता कथं न्हयःगुलिं नं कुशलया कद अफ्र थर्वावंगु खः ।

कुशलं म्हेतेधुकाः नेपाःया जर्सीइ एकदिवसीय अन्तर्राष्ट्रिय क्रिकेट कासा म्हेतेगु म्हास पूर्वगु धयादिल । 'जितः थःगु ब्याटिङयु विश्वास दु । उकिं जि क्रिजयु



त्रिदेशीय क्रिकेट श्रृंखलायु नेपाःया कीर्तिमान

आइसीसी क्रिकेट विश्वकप लिग-२ अन्तर्गत जूगु उगु त्रिदेशीय श्रृंखलायु नेपालं अमेरिका विरुद्ध हे जूगु निगूगु कासायु नं कीर्तिमानया वर्षा याःगु खः ।

वङ्गु ईया परिस्थिति नेपाःया टिमया अनुकूल मजूसुं नं जिगु सोचाइलयु रन दयकाः नेपाःया स्कोर बालाकेगु जक खः । मेगु खँ जि बिचाः मयाना । कुशलं धयादिल ।

अमेरिका विरुद्ध म्हेताः कुशल नेपाःया नितिं एकदिवसीय अन्तर्राष्ट्रिय कासा म्हेतूम्ह २२म्हम्ह कासायु जूगु दु ।

आइसीसी क्रिकेट विश्वकप लिग-२ अन्तर्गत जूगु उगु त्रिदेशीय श्रृंखलायु नेपालं अमेरिका विरुद्ध हे जूगु निगूगु कासायु नं कीर्तिमानया वर्षा याःगु खः ।

नेपालं अमेरिकायात च्यागु विकेट बुकूगु कासायु विश्व कीर्तिमानया बराबरी याःगु खः । नेपालं न्हापां ब्याटिङ याःगु अमेरिकायात १२गु ओभरयु ३५गु रनयु अलआउट याःगु खः । गुगु एकदिवसीय अन्तर्राष्ट्रिय क्रिकेटयु दकलयु म्हो स्कोरया बराबरी जूगु खः । अमेरिकाया पालि ७२गु बलयु हे क्वचाल । गुगु दकलयु म्हो बलयु पालिक क्वचाःगु कीर्तिमान नं खः । सन् २०१७यु अफगानिस्तान विरुद्ध जिम्बाबे ८३गु बलयु ५४गु रन दयकाः अलआउट जूगु खः ।

नेपाःया नितिं एकदिवसीय अन्तर्राष्ट्रिय कासायु दकलयु याकनं कासा त्याकेगु कीर्तिमान दयकेगु ह्वःताः नं दुगु खः । सन्

२००१यु श्रीलङ्का जिम्बाबे न्हयःगु ३९गु रनया लक्ष्य ४गु फुति २गु ओभरयु पूर्वकाः विश्व कीर्तिमान दयकूगु खः । अथेखःसां ५गु फुति २गु ओभरयु २गु विकेटया खातिइ ३६गु रन दयकाः लक्ष पूर्वकूसुं नं नेपाः मेगु विश्व कीर्तिमान दयकेत धाःसा त्वफित ।

उगु कासायु सन्दीप लामिछाने ६गु विकेट काःगु खः । सन्दीप ओडिआईस ६गु विकेट काःम्ह नेपाःया न्हापांम्ह बलर नं जुल । अथे हे, थुगु श्रृंखलापाखे स्पीनर सुशान भारी छुगु हे एकदिवसीय इनिङ्या सिरिजयु दकलयु अप्वः विकेट काःम्ह कासायु जुल । सुशान क्रिकोणात्मक सिरिजयु ४गु कासायु ११गु विकेट काःगु खः । थव स्वयां न्हयः एकदिवसीय इनिङ्या सिरिजयु दकलयु अप्वः विकेट काःम्ह कासायु कीर्तिमान सोमपाल कामीया नामयु दुगु खः । सोमपाल संयुक्त अरब इमिरेट्स (यूएई) लिसे स्वंगु एकदिवसीय श्रृंखलायु ७गु विकेट काःगु खः ।

नेपालं अमेरिकायात ७२गु बलयु हे अलआउट याःगु खः । थव नं छगु विश्व कीर्तिमान हे खः । थव स्वयां न्हयः सन् २०१७यु अफगानिस्तान जिम्बाबेयात ८३गु बलयु मुक्क ५४गु रन बियाः अलआउट याःगु खः ।



बुगु दि
वि.सं. १९९७
चैत्र



मदुम्ह श्याम चित्रकार



मदुम्ह दि
वि.सं. २०७६
पुस २५ गते

विचाः हायुका

नेपालभाषा मंकाः खलः, यलयात थःगु छैयु ज्याकुथि सञ्चालन याकेगु नापनापं थीथीकथं आपालं ग्वाहालि यानादीम्ह आजीवन दुजः

श्याम चित्रकार

आकाभाकां मदुगुली लत्याया पूण्य तिथिस दुनुगर्लानिसें बिचाः हायुकाच्चना ।

ऋषिप्रसाद श्रेष्ठ, नायः

नेपालभाषा मंकाः खलः, यल (परिवार)

गोङ्बु आवास क्षेत्र नमूना 'लः पुनःभरण प्रणाली'या शुभारम्भ



यै महानगरपालिका २६ वडा च्वंगु आवास क्षेत्रया ग्वंगःबुँ दबुलीइ लः पुनःभरण प्रणाली शुभारम्भ याःगु दु । ग्वंगःबुँ आवास क्षेत्र सुधार समितिया स्थानीय ग्वाहालि व एकीकृत सहरी विकास केन्द्रया प्राविधिक ग्वाहाली पलिस्था याःगु उगु प्रणाली महानगर प्रमुख विद्यासुन्दर शाक्यं शुभारम्भ यानादीगु खः ।

थुगु प्रणालीया शुभारम्भ यानादिसें महानगर प्रमुख शाक्यं थुगु नमूना योजनापाखें वःगु लिचवःया मूल्यांकन यानाः महानगरया फुक्क वडा व सार्वजनिकलिसें खुल्ला जग्गाय लः पुनःभरण प्रणाली तयगु धयादिल ।

थुगु प्रणालीइ दबू दुगु १पी जग्गाय जग्गा जगु लः जमीन क्वय् छ्वयगु व्यवस्था यानातःगु दु । जग्गाय टहरा व खाली थाय् दु । टहराय् वा वःगु लः मुनीगु विधि नं जडान यानातःगु दु ।

किलागःत्वाः खलःया दीप्याखंपाखें मनकामनाय् समेव्व देछाल



पराम्परागत किलागःत्वाःया दीप्याखंपाखें मनूया नामय् दर्ता जुइधुकूगु गुथि छँय् दीप्याखं गुथिया हे नामय् हयाः न्हू छँ दय्केगु ज्या न्ह्याःगु लसताय् वंगु सञ्चरवाः गोरखाय् मनकामना द्यःयाथाय् समेव्व देछाय्गु ज्या जुल ।

मनकामना देगःया परिसरय् जूगु उगु ज्याइवलय् यै महानगरपालिकाया प्रमुख विद्यासुन्दर शाक्यं मूर्त अमूर्त कला, संस्कृति भोगु देसया म्हासीका जगुलिं थजाःगु संस्कृति संरक्षणय् नगरपालिकां ज्या याइगु

प्रतिबद्धता प्वकादिल ।

थ्व हे इवलय् दीप्याखं गुथि छँया पुनःनिर्माणया नितिं महानगरपालिकापाखें छगू करोड तक याःगुलिं दीप्याखंया कजिलिसें वरिष्ठ फोटोग्राफर नातिकाजी महर्जनं लसता प्वकादिल ।

ज्याइवलय् शहरी विकास राज्यमन्त्री रामवीर मानन्धर, बागमती प्रदेशसभाया दुजः बसन्त मानन्धर, यै महानगरपालिकाया उपप्रमुख हरिप्रभा खड्गी श्रेष्ठ, किलागःत्वाः खलःया गुरु ईन्द्र महर्जनया व्वति दुगु खः ।

मातृभाषा दिवसया लसताय्

जनबहालय् साहित्यिक व साँस्कृतिक ज्याइवः

केलत्वाःया सकल नेपाःमिया ग्वसालय् छगू साहित्यिक व सांगीतिक ज्याइवः जुल । अन्तर्राष्ट्रिय मातृभाषा दिवसया लसताय् जूगु उगु ज्याइवलय् यै महानगरपालिका वडा ल्याः २५या वडाध्यक्ष नीलकाजी शाक्यं लसकुस यानादीगु खः ।

जगतसुन्दर ब्वनेकुथिया व्वैमिपिन्सं म्ये हालाः लसकुस याःगु उगु ज्याइवलय् जनकवि दुर्गालाल श्रेष्ठ थःगु नुगःखँ तयादिसे चिनाखँ न्यकादीगु खः ।

ज्याइवलय् नेपालभाषा टाइम्सया सम्पादक सुरेशकिरण मानन्धर दकलय् न्हापांखुसी नेवाः भाषं राष्ट्रिय म्ये हाले खंगुया लसता प्वकादिसे अन्तर्राष्ट्रिय मातृभाषा दिवसया महत्वया बारे नुगःखँ तयादिल । ज्याइवलय् साहित्यकार मथुरा



साय्मि, डा. पुष्पराज राजकर्णिकार, नारद बज्राचार्य, राजभाइ जकःमि, रोनिका श्रेष्ठ, नरेश अमात्य, सजगता मानन्धर, शाक्य सुरेन, दिव्या ताम्रकार, विमलप्रभा बज्राचार्य, रमेश श्रेष्ठ, धर्मराज राजकर्णिकार, स्नेह साय्मि, अनिक शाक्य, अर्जुन महर्जन, लक्ष्मीकुमार महर्जन, बद्री वेदना, पुष्कर माथेमा, शैलेश शाक्य, अमृत रत्न शाक्य, राजा बज्राचार्य व विजयरत्न असंबरेपिन्सं

थःथःगु साहित्य पाठ यानादीगु खः । अथे हे, यचु शाक्य व निभा डंगोल, सुरजवीर बज्राचार्य, सोनी राजभण्डारी, सिरपाः खड्गी, लजना मानन्धर, गंगा बज्राचार्य, मानिक शाही, शैलेन्द्र तुलाधरपिन्सं म्ये हालादीगु खः ।

ज्याइवलय् मच्छिन्द्र क्लबया नायः प्रबोधकसाः नं ज्याइवः ताःलाकेत ग्वाहालि यानादीपिं सकसित सुभाय् देछानादीगु खः ।

अन्तर्राष्ट्रिय मातृभाषा...

माल धाःसा हाकनं मेगु आन्दोलन न्ह्याकेत, बलिदान बीत भी तयार जुइमाल' वडाध्यक्ष शाक्यं धयादिल ।

उगु हे दिनय् मातृभाषा जनस्तरीय अभियानं असनय् नं ज्याइवः याःगु खः । ज्याइवःयात जनकवि दुर्गालाल श्रेष्ठ, नेवाः न्हयलुवा मल्ल के. सुन्दरं सम्बोधन यानादीगु खः । जनकवि श्रेष्ठं भाय् मल्लयन धाःसा थःगु धाय्गु हे छुं मदइगु धासें दुःख प्वकादिल । जाति न्हंकेत भाषा न्हंकेगु षडयन्त्रय् राज्य जानाच्चंगु न्हयलुवा मल्लं धयादिल । एक भाषा नीतिया हुनिं देशय् दुगु थीथी भाषात तनावनाच्चंगुप्रति मल्लं च्यूताः प्वकादिल ।

थुगुसीया अन्तर्राष्ट्रिय मातृभाषा दिवसय् राष्ट्रिय गानयात नेवाः भासं हालाः पिथंगु धइगु छगू च्छाय्बहःगु पलाः ला खत । तर ददँ न्हयःनिसें गुकथं भाषायात दमन जुयावल, उकिया विरुद्ध भाषिक अधिकार कायूत म्ये हालाः, चिनाखँ ब्वनाः ज्याइवः यानाच्चनं गाइमखु । थःत यःसां मयःसां उर्दु भाय् ल्हाय्माःगु परिस्थितीया विरुद्ध ढाका विश्वविद्यालयया विद्यार्थीत मदंगु खःसा उमित बंगलादेश ला छु, भाय् छगू नं थःगु दइमखुगु । तर थौं उर्पिं स्वतन्त्र जुल । छाय् कि उर्पिसं थःगु मांभाय् ल्हाय्गु अधिकार कायूत हि बाः वंकेत, ज्यानया बलिदान बीत नं मयात । नेवाः वा नेपाःया आदिवासी जनजाति नं थीथी ज्याइवः यानाः भाषण बीगु, कविता ब्वनेगु जक हे यानाच्चन

धाःसा राज्यसत्ता नेपाःया नक्सा रूपी केक तानाः ननं न्हयइपुकाच्चनी, उर्पिगु न्हाय्पनय् असंया कविता वा भाषण थ्यनीगु आशा याय् फइमखु ।

अस्तित्व...

आःया अवस्थाय् ख्वनाय् फाष्ट टाय्क, हाइटेन्सन लाइन, बाहिरी चक्रपथ, बागमती करिरोड, स्मार्ट सिटी दयेकेगु धकाः थुगु फुक्क कथंया राष्ट्रिय गौरवया योजना संचालन यात धाःसा ख्वनाय् दुगु आः छकूचा नं बुँ ल्यनीमखु धइगु खँ न्हयथँसें फुक्क योजना छगू हे थासय् हये मज्यू धइगु पक्षय् थः दुगु वडा अध्यक्ष महर्जनं धयादिल ।

ख्वना महोत्सव जूगु हे इलय् ख्वनामित आन्दोलनय् नं दु । ख्वनाया नेवाःत विस्थापित यायेगु लिसें ख्वनाया अस्तित्व हे न्हंकेगु योजनाय् राज्य न्ह्याःवन धकाः स्थानीयवासीत आन्दोलनय् कुहां वयाच्चंगु खः । थ्व हे भ्रवलय्, ख्वना महोत्सव अवलोकनय् भाःमह गृहमन्त्री रामबहादुर थापायात नं ख्वनाया अस्तित्व बचे यायेत ख्वनामितयुसं इनाप याःगु खः । ख्वना व बुंगया स्थानीयवासीत जाना माइतिघर मण्डलाय् याःगु प्रदर्शन लुमकाः ख्वनामितयुसं गृहमन्त्री थापायात विकासया नामय् वःगु थीथी कथंया आयोजनां ख्वनाया मौलिकता न्हनीगु धासें उगु आयोजनात

मेथाय् यंकेत इनाप याःगु खः । थौया इलय् उगु कथंया फुक्क परियोजना वल धाःसा ख्वना व बुंग जक मदइगु मखु बुंगद्यःया जात्रा तर्क बन्द जुइगु अवस्था वल धकाः आन्दोलनकारीतयुसं धाःगु खः ।

ख्वना जन सरोकार समितिया कजि नेपाल डंगोलं थ्व इलय् बुंग व ख्वनायात बचे यायेमफत धाःसा कन्हय् वनाः मेमेगु नेवाः वस्ती नं समाप्त जुइ धकाः धयादिल । उर्किं ख्वना व बुंगयात ल्यंकेगु अले नेवाः पहिचानयात ल्यंकेगु नितिं सकल नेवाःत छथी जुइमाःगु डंगोलया धापू दु ।

ख्वनाया सवालय् अथे सतकय् आन्दोलन जक जुयाच्चंगु मखु लिपांगु इलय् वया मुदाय तर्क वंगु दु । स्थानीय गुथितपाखें मंकाः कथं छगू मुदा अले पीडित जनतातपाखें मेगु मुदा यानाः निगू मुदा सर्वोच्च अदालतय् दायर जुगु दु । उर्किं ख्वनाया सवालय् छखे सतक आन्दोलन जुयाच्चंगु दुसा मेखे कानुनी उपचारया नितिं नं सर्वोच्च अदालतय् वंगु दु । थौं ख्वनाया अस्तित्वया नितिं अले ख्वनाया नेवाःत विस्थापित मजुइकेगु नितिं, बुंगद्यःया रथ जात्रायात ल्यंकातयेगु नितिं नापं नेवाः म्हासीका ल्यंकेगु नितिं धकाः कानुनी उपचार नाप नापं सतक आन्दोलन नं न्ह्याकाच्चंगु अवस्था खः । उकिया नापं नकतिनि क्वचाःगु ख्वना महोत्सव नं ख्वनाप्रति गुलिसिया ध्यान सालाकाल, व स्वये नं ल्यं हे दनि ।

यलय् निन्हुयंक सम्यक महादान जुइगु

न्यादँय् छक्कः यलय् जुइगु सम्यक महादान थ्व हे फागुण १४ व १५गते जुइगु जूगु दु ।

नेवाः पत्रकार राष्ट्रिय दबू, यल कचाया ग्वसालय् जूगु पत्रकार सम्मेलनय् इतिलहने सम्यक महादान आयोजक समितिया जनसम्पर्कलिसें प्रचारप्रसार संयोजक लोकमान शाक्यं थुगु खँया जानकारी बियादीगु खः । वय्कलं थुगु ज्याइवःया निति. माःगु तयारी अन्तिम चरणय् थ्यनेधुकूगु नं जानकारी बियादिल ।

हिरण्यवर्ण महाविहारया नितिं इतिलहने सम्यक महादान आयोजक समितिया व्यवस्थापनय् उगु पर्व जुइत्यंगु

खः । थुगु पर्व लिच्छवीकालीन संस्कृति व सभ्यताया धरोहरकथं कयातःगु दुसा न्हयसःदँ न्हयःनिसें थुगु पर्व निरन्तर न्ह्याना वयाच्चंगु दु । थ्व हे इवलय् थुगु पर्व दानया महत्व, बौद्ध संस्कृति व संस्कारया अभिव्यक्त यानाच्चंगु अध्येतता लोकरत्न शाक्यं जानकारी बियादिल ।

वि.सं. १८६१तक दँयदसं न्ह्याना वयाच्चंगु थुगु पर्व १८६२निसें न्यादँय् छक्कः थुगु पर्व जुया वयाच्चंगु खः । तत्कालीन जुजु रणबहादुर शाहं गुथिया जग्गा सरकारीकरण याय्धुंकाः गुथिया आयस्ता म्हो जुल । थुकिं यानाः न्यादँय् छक्कः थुगु पर्व ग्वसाः ग्वयगु ज्या जूगु खःसा आः जुइत्यंगु थुगु पर्व ५३क्वःगु खः ।

हामी नेपालीहरू जुनसुकै क्षेत्रमा पनि काम गरेर देखाउन सक्ने अवस्था छ र सफल पनि हुन सकिन्छ । नयाँ प्रविधि र नयाँ क्षेत्रमा हामी जानैपर्छ । मुख्यतः हामीमा प्रतिबद्धता, लगनशीलता, आँट र साहस चाहिन्छ ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग



जैसिदेवल भाउजु बुहारी पुचःया मिखा शिविर क्वचाल

जैसिदेगःया जैसिदेवल भाउजु बुहारी पुचः व सपोर्ट रेटिना नेपालया मंकाः भवसालय वंगु फागुन १० गते मिखा शिविर क्वचाःगु दु ।

शिविर ज्याइवया मूपाहाँ यें महानगरपालिका २१ वडाया नायः उदयमणि बज्राचार्य जुयादीगु खः ।

उगु मिखा शिविर तिलगंगा आँखा अस्पतालया मिखा विशेषज्ञ डा. इला प्रधानया नेतृत्वय् जुगु खः ।

शिविरय् ८ दैनिसें ७८ दैतककया स्थानीयापिन्सं ब्वति काःगु खः । करीब १७५ म्हेसित मिखा जाँच जुगु शिविरय् २० म्हेसित धइथें मोतिविन्दुया समस्या खनेदुगु खः ।

मोतिविन्दुया समस्या खनेदुपिन्त म्होर्ति निद्रःतका कयाः उपचारया व्यवस्था यायगु म्बसाः खलःया अध्यक्ष राधिका प्रधानं जानकारी बियादिल ।



क्रियाः - उमेश मानन्धर

आकस्मिक दुखाई गुल्म प्रकृतिक जडिबुटीबाट बनेको

हुकुम मालिस तेल

१. जरीर दुखाईना ६ पाउर कोटपटकमा
२. आनले फोलेमा ४. माहुरी, किल्ले टाँसेमा

४ IN 1

सम्पर्क : ९८४९८५९३९८

2nd International Blood Conference
13 March, Kathmandu, Nepal

दोश्रो अन्तर्राष्ट्रिय रक्त सम्मेलन २०७६ (२४-२५ फागुन २०७६) भव्यताका साथ सफल पारौं । आयोजक

ब्लड डोनर्स एसोसिएशन नेपाल (ब्लोदान)
(रक्तदान गर्ने संघसंस्थाहरुको अन्तर्राष्ट्रिय महासंघमा आवद्ध)
काठमाडौं ।

FIODS, WSH Nepal 2020

ON METAL ARTS & CRAFTS
Specialized in Nepalese Nepal and Tibetan Metal Crafts

THE GROUP OF Traditional Repousse Art

IMAGE ATELIER
Creative

उपलब्ध हुने सामानहरू डेरी, मासु, बेकरी उद्योगकालागि चाहिने उपकरणहरू, प्याकिङ मेसिन, प्याकिङ्ग मेटेरियलहरू, विविध केमिहलहरू तथा विविध औद्योगिक उपकरणहरू ।

ठ्याकुम प्याकिङ्ग मेसिन, मिलिकिङ्ग मेसिन, अटोमेटिक मिलक प्रोलाइजर सेट नेपाली सफ्टवेयर सहित, मिल्क क्यान, क्रिम सेपरेटर मेसिन, प्लेट चिलर

श्रेष्ठ ट्रेड मेडिया

श्री लाल भवन, १३ टंकेश्वर (छाउनी जाने बिष्णुमति पुलसंगै), काठमाडौं । फोन : ४२७०६८४/९८५१०८८९५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा २४ सै घण्टा सेवा

शल्यक्रिया बहिरङ्ग सेवा अन्य सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९१९, ४२६६२२९, E-mail: cfclinic@mail.com.np, www.free-clinic.org.np